

EH Bildu talde politikoa

Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

GAZTEEN ARTEAN ARRETA PSIKOLOGIKORA SARBIDEA ERRAZTEKO NEURRIAK DIRELA ETA, KONTROL MOZIOA

Olaia Duarte Lopezek, EH BILDU udal taldeko zinegotziak, Udalbatzaren Organo Araudiaren 98. artikulua oinarri, mozio hau aurkezten du Udalbatzan azter dadin. Mozioa 2023ko irailaren 18an Pertsonen Zerbitzuen Batzordean aztertutako interpelazioaren ondorioa da.

JUSTIFIKAZIOA

Urriaren 10ean, Osasun Mentalaren Mundu Eguna ospatuko dugu eta Euskal Herriko erakundeetan, Donostiako Udala barne, hori sustatzeko ekimen eta adierazpenak egingo dira.

Covid19aren pandemiak geroztik ere oso ohikoak dira herritarren osasun mentaleko arazoez eta suizidioaren gorakadaz hitz egiten duguten azterlanak, ikerketak eta inkestak. Izan ere, datuak ikusita (azken urtean, EAEko 15 eta 19 urte bitartekoen %15,9k adierazi du buru-osasuneko arazoak maiz izaten dituela, eta %36,2k, berriz, diagnostiko klinikoa du), haur eta gazteen osasun mentaleko arazoak kezkarri bihurtu dira profesional medikoen zein hezkuntza arlokoen artean.

Hain zuzen ere, uztailaren 26an hainbat profesionalek osatutako mahai-inguru batean, EHUKo udako "Gure haur eta nerabeen osasun mentala: osasun- eta gizarte-larrialdia" ikastaroan, adingabeen osasun mentalak dituen arazo nagusiak aztertu ziren Miramar Jauregian. Bertan, zenbait hizlarik laguntza psikologikoa indartzeko eta botikak minimizatzeko apustua egin zuten.

EH Bildu udal taldean, 2019-2023 agintaldian, askotan jarri dugu mahai gainean osasun mentaleko arreta behar zuten gazte eta nerabeen igoera eta doako baliabideen beharra. Sektorean lan egiten duten elkarteek ere behin baino gehiagotan trasladatu diote udal korporazioari hirian errealitate horri aurre egiteko baliabideak behar zirela.

Badaude errealitate horri erantzun zuzenak eta ausartak ematen saiatu diren udalak, doako arreta psikologikoa eskaintzen duten elkarteak diruz laguntzen edo, Psikologia Elkargoaren laguntzarekin, osasun mentaleko programa aitzindariak abian jartzen (esate baterako, ofizioz esleitutako abokatuen antzeko sistema bat kopiatuz). Joan den apirilean, interpelazio bat helarazi genion Udal Gobernuari horrelako inizatibak martxan jartzeko beharra trasladatzeko. Apirileko batzordeetan, Udal Gobernuaren delegatuak erantzun zigun Udalak bazituela hainbat programa osasun mentalaren alorrean eta BadaBideBat elkartearekin proiektu bat hastear zegoela.

Era berean, iraileko batzordean delegatuak adierazi digu dagoeneko martxan dagoela osasun mentala sustatzeko proiektua Ekialdeko Barrutian eta bere udal taldearen konpromisoa azpimarratu du alor honetan hobekuntzak egiteko. Tamalez, oraindik ez

EH Bildu talde politikoa

Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

da pausorik egin banakako arreta psikologikoko kontsultak diruz lagundu ahal izateko edo Gipuzkoako Psikologoek Elkargoarekin hitzarmen bat sinatzeko.

Hortaz, azaldutako egoera kontuan hartuta, behean sinatzen duen zinegotziak honako MOZIO hau aurkezten du:

KONTROL MOZIOA

1.- Udalbatzak hertsatuki eskatzen dio Udal Gobernuari 35 urtetik beherako donostiarrentzako banakako arreta psikologikoa doan edo prezio beheratu batean jasotzeko laguntzak edo hitzarmenak garatu ditzala, tratamendu terapeutiko bat eskuratzea ez dadin egon herritar bakoitzaren gaitasun ekonomikoaren mende.

Donostian, 2023ko irailaren 22an

Olaia Duarte López

EH Bildu udal taldeko zinegotzia